

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-077-3/24**
Datum: **08.03.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „MDG INTERNATIONAL“ d.o.o. Sarajevo za donošenje rješenja o vodnoj dozvoli za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedice rada i ispuštanje oborinskih onečišćenih voda sa lokacije proizvodno-poslovnog objekta „MDG INTERNATIONAL“, izgrađenog u ulici Igmanska bb, u krugu industrijskog kompleksa „UNIS“ u Vogošći, općina Vogošća, na osnovu člana 109. stav (1) tačka 2. i stav (2) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine broj“ 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „MDG INTERNATIONAL“ d.o.o. Sarajevo daje se vodna dozvola za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedice rada i ispuštanje oborinskih onečišćenih voda sa lokacije proizvodno-poslovnog objekta „MDG INTERNATIONAL“, izgrađenog na zemljištu označenom kao k.č. broj 2751/258, 2751/287 i 2751/115 K.O. Vogošća (novi premjer), općina Vogošća.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da se oborinske onečišćene vode sa manipulativnih, saobraćajnih i parking površina predmetnog objekta prikupljaju sistemom slivnika sa slivnom rešetkom i internom kanalizacionom mrežom odvođe do tipskog separatora ulja i naftnih derivata, a zatim prečišćene priključe na kolektor oborinske kanalizacije.
 - 3.3. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.4. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. i 15. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20 i 1/24).
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja („Službene novine Federacije BiH“, broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije.

- 3.6. Da prikupljanje, odvoz i konačno zbrinjavanje opasnog otpada sa lokacije predmetnog proizvodno-poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru.
 - 3.7. Osigurati priručna sredstva za brzu intervenciju u slučaju prosipanja ulja i emulzija, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
 - 3.8. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove vodne dozvole, pravno lice, odnosno korisnik objekta je dužan provoditi sve mjere i aktivnosti propisane istom.
 6. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog objekta obavezan je izvijestiti nadležne organe i izvršiti vanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
 10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
 11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „MDG INTERNATIONAL“ d.o.o. Sarajevo obratilo se ovoj Agenciji sa zahtjevom za donošenje rješenja o vodnoj dozvoli za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedice rada i ispuštanje oborinskih onečišćenih voda sa lokacije proizvodno-poslovnog objekta „MDG INTERNATIONAL“, izgrađenog na zemljištu označenom kao k.č. broj 2751/258, 2751/287 i 2751/115 K.O. Vogošća (novi premjer), općina Vogošća.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjerena kopija Rješenja o izmjenama podataka u sudski registar Općinskog suda u Sarajevu, broj: 065-0-Reg-22-004215 dana 22.12.2022. godine;

- Ovjerena kopija Uvjerenja o poreznoj registraciji „MDG INTERNATIONAL“ d.o.o. Sarajevo donesenog od strane Porezne uprave FBiH - Kantonalni porezni ured Sarajevo dana 16.01.2012. godine;
- Kopija Rješenja o odobrenju za izvođenje radova na izgradnji proizvodno-poslovnog objekta donesenog od strane Službe za urbanizam, prostorno planiranje, građenje, imovinsko-pravne i stambene poslove Općine Vogošća, broj: 05-23-5716/11 dana 13.02.2012. godine;
- Kopija Rješenja o odobrenju za upotrebu proizvodno-poslovnog objekta, donesenog od strane Službe za urbanizam, prostorno planiranje, građenje, imovinsko-pravne i stambene poslove Općine Vogošća, broj: 05-23-2449/12 dana 01.10.2012. godine;
- Kopija Rješenja o odobrenju za dogradnju postojećeg proizvodno-poslovnog objekta, donesenog od strane Službe za urbanizam, prostorno planiranje, građenje, imovinsko-pravne i stambene poslove Općine Vogošća, broj: 05-23-3682/14 dana 27.05.2015. godine;
- Kopija Rješenja o odobrenju za upotrebu dograđenog postojećeg proizvodno-poslovnog objekta, donesenog od strane Službe za urbanizam i prostorno planiranje Općine Vogošća, broj: 05-23-4417/16 dana 26.04.2017. godine;
- Kopija Rješenja o prethodnoj vodnoj saglasnosti donesenog od strane Ministarstva privrede Kantona Sarajevo, broj: 07-06-21-17740/23 dana 13.12.2023. godine;
- Kopija konačne saglasnosti za priključak na vodovodnu i kanalizacionu mrežu, date od strane BAGS ENERGOTEHNIKA d.d. Vogošća, broj: 1072-12/16 dana 15.12.2016. godine;
- Kopija Obavijesti da predmetni proizvodno-poslovni objekat ne podliježe obavezi pribavljanja okolinske dozvole, date od strane Ministarstva prostornog uređenja i zaštite okoliša, broj: 05-23-20307/14 III dana 08.07.2014. godine;
- Kopija fakture date od strane C.I.B.O.S. d.o.o. Sarajevo – PJ. Ilijaš za odvoz FE zelj.čeličen špene miješana, dana 27.02.2024. godine;
- Kopija fakture date od strane AIDA COMMERCE d.o.o. Sarajevo za zbrinjavanje emulzija od 11.07.2022. godine;
- Glavni projekat, urađen od strane „ART-E“ d.o.o. Sarajevo, novembar 2011. godine;
- Dokaz o uplaćenju upravnoj pristojbi.

Nakon pregleda dostavljene dokumentacije, u skladu sa odredbama člana 12, stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-077-2/24 dana 06.08.2024. godine.

Na osnovu pregleda projektne dokumentacije i izvršenog uviđaja na predmetnom lokalitetu utvrđeno je sljedeće:

Predmetni proizvodno-poslovni objekat se nalazi u sklopu stare industrijske zone „Unis“ Vogošća, na zemljištu označenom kao k.č. broj 2751/258, 2751/287 i 2751/115 K.O. Vogošća (novi premjer), općina Vogošća. U proizvodno-poslovnom objektu se vrši proizvodnja metalnih komponenti visoke preciznosti CNC tehnologijom za transportni sektor i brodogradnju (tri hale). U procesu proizvodnje se ne koristi voda, niti ima produkcije tehnološke otpadne vode.

U procesu rada mašina koriste se emulzije i ulja, koji se mijenjaju po potrebi i skladište u metalnu burad, a zatim odvoze i zbrinjavaju od strane ovlaštene firme „AIDA COMMERCE“ d.o.o. Sarajevo.

U procesu obrade metala nastaje otpadni materijal – špena (inox i čelična), koja se skladišti u vreće i kontejnere do konačnog zbrinjavanja od strane firme „C.I.B.O.S.“ d.o.o. Sarajevo – PJ Ilijaš.

Na predmetnoj lokaciji nastaju oborinske onečišćene vode koje se prikupljaju putem linijskih slivnika sa slivnom rešetkom i odvođe internom kanalizacionom mrežom do tipskog separatora nafte i naftnih derivata, a zatim priključuju na kanalizacioni kolektor oborinskih voda, kojim upravlja „BAGS ENERGOTEHNIKA“ d.d. Sarajevo. Podnosioc zahtjeva ne posjeduje saglasnost za priključak na javnu oborinsku kanalizacionu mrežu od strane „BAGS ENERGOTEHNIKA“ d.d. Sarajevo, datu u skladu sa članom 28. Pravilnika o sadržaju, obliku, uvjetima, načinu izdavanja i čuvanja vodnih akata.

Na osnovu dostavljene projektne dokumentacije, utvrđenog činjeničnog stanja i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i prava na vode dodjeljena drugim korisnicima, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa odredbama Zakona o vodama, Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07).

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu („Službene novine Federacije BiH”, broj 71/09 i 102/18) korisniku predmetnog objekta utvrđene su obaveze u tački 5. dispozitiva ovog Rješenja.

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedice rada proizvodno-poslovnog objekta i ispuštanje oborinskih onečišćenih voda sa predmetne lokacije, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH”, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac sektora za izdavanje vodnih akata

Haris Ališehović
Haris Ališehović, dipl.ing.građ.

PRILOG: Glavni projekat, urađen od strane „ART-E” d.o.o. Sarajevo, novembar 2011. godine

Dostaviti:

- „MDG INTERNATIONAL” d.o.o. Sarajevo, ul. Igmanska bb, 71320 Vogošća, Sarajevo (sa prilogom)
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava